

ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

Požnjenc 2022
27. lětnik, 268. wudaće

Dołholětna wučerka dže na wuměnk

- Božemje, knjeni Bětnarjowa! -

Ja sym Stephanie Metašec ze 7. lětnika a sym so z našej wučerku knjeni Bětnarjowej rozmołwjała, kotraž so w lěcu na wuměnk poda. Nimo někotrych informacijow wo jeje žiwjenskim puću jako wučerka zhonich tohorunja mnoho zajimawostkow z jeje šulskeho žiwjenja, kotrež chcu z wami dźělić.

Dobry dzeń, knjeni Bětnarjowa. Sće hižo dołho wučerka na Serbskej wyšej šuli w Ralbicach. Kelko lět tu hižo dźětaće a běše to Waša přenja a jenička šula jako wučerka?

Na našej šuli w Ralbicach wuwučuju wot lěta 2006. Započata sym jako wučerka 1983 na tehdyšej PWŠ „Handrij Zejler“ we Wojerecach.

Po přechahu ze swójbu do Kašec w lěće 1992 so mi zmóžni, ze swojim dźětom w ródnej wjesce Pančicy-Kukow pokročować. Tak witachu mje moji něhdyši wučerjo jako koleginu. Tehdy běch sej wěsta, zo na tutej šuli wostanu. Přińdže pak hinak. Bolostnje dyrbjachmy akceptować, zo so srjedźna šula zawrě. Džensa sym dżakowna, zo smědžach w Ralbicach započinać. Na wšědny puć přez Róžeńčanski lěs so spěšnje zwučich a čujach so derje w nowej wokolinje.



Běše wučerstwo přeco hižo Waš powołanski són? Hdže sće studowała?

Z džěćimi džětać, jim něšto nawučić a so wo nje starać bě přeco hižo moje powołanske přeće. Wulki podžěl na tym měješe tež moja mać, kotraž wuwučowaše wjele lět na zakładnej šuli w Pančicach-Kukowje a běše mi stajnje z přikładom. Po maturje na Serbskej rozšěrjenej wyšej šuli w Budyšinje podach so do Lipska. Tam studowach na Wysokej šuli „Clara Zetkin“ předmjetaj ruščina a němčina. Jako běch w předposlednim lěće studija, wopytach tež město Kaluga w Ruskej. Rady bych sej tam hišće jónu dojěła, ale surowa politika Putina moje přeće hižo njezmóžni.

Přeradźće mi tola prošu jednu směšnu podawiznu ze šulskeho časa na našej šuli!

Dawa wěšta podawizna, kotruž woprawdže njezabudu. Tehdy pak mi njeběše k smjeću. Podach so z mojimi džesatkami na wotchadnu jězbu do Hamburga. Hakle w našim přebywanišću pytnych, zo běch wšitke podložki zabyta zapakować, to rěka jězdženki a zastupne lisćiki za naše planowane zajězdy a zarjadowanja. A što potom? Najprjedy běch chětro bjezradna, ale na zbožo hodžeše so wšitko zřadować. Na kóncu běše to poradženy a dožiwjenjowpołny tydzeń.

Što lubujeće na tutym powołanju a što je po Wašim měnjenju wosebite na nim?

Wosebitosć powołanja widžu w tym, zo směmy džěći a młodostnych na jednym wotrězku jich žiwjenja přewodźeć. Spěchujemy je we wuwicu k samostatnym wosobinam. Džěto z młodej generaciju je wužadace, połne zamołwitosće a wotměnjace. Jako wučer njeposrědkuješ jenož wědu, ale tež hódnoty. Rjenje je, hdyž šulerjo wjeselo na wužadanju pytnu a hdyž su hordži na docpěte wuspěchi.

Hdyž podaće so na wuměnk, na čo so najbóle wjeseliće a za čim budžeće so žedzić?

Najbóle so na to wjeselu, zo změju skónčnje wjace časa za swoje wnučki a wšitke zaběry, za kotrež njoběše dotal chwile. Tež mój zeleny pisak je sej skónčnje wotpočink zasužič. Pobrachować budže mi wuwučowanje w rumnosći č. 18 a wězo šulerki a šulerjo, kotřiž su zajimowani, wědylačni, wotewrjeni, angažowani, přečelni a džakowni. Žedzić budu so za wučerskim kolegijom, kotryž běše mi stajnje kruta zepěra, tež w ćežkich časach.

Što byšće chcyta nam jako radu za přichod sobu na puć podać?

Budže zmužiči a wotkrywajće sej swět. Wostańće wćipni a wjeselće so na wšo rjane, štož was w žiwjenju hišće wočakuje. Česćujće sej Wašeju staršeju, wučerkow a wučerjow, sobušulerkow a sobušulerjow. Wobchowajće sej našu wěru a narodnosć kaž drohotny pokład.

Chcu so wutrobnje pola Was, knjeni Bětnarjowa za rjanu rozmołwu podžakować. Chcu so pak tež džakować za zajimawe šulske hodžiny, w kotrychž sće z nami napjate a rjane knihi čitała. Za prawopis sće nam nowe „faški“ wotewřita a nam dobre rady dała, při kotrychž budu zawěsće ja a tež moji sobušulerki a sobušulerjo husto na Was myslič. Přēju Wam z wutroby dobry, strowy a wjesoly čas na wuměnk. Wjeselu so na zasowidženje.

Na kóncu tutoho šulskeho lěta rozžohnujemy so wot našeje koleginy Jany Bětnarjoweje. Wona wuwučowaše wjele lět na Serbskej wyšej šuli Ralbicy a běše rjadowniska wučerka někotrych lětnikow. Jako zamotwita za šulsku biblioteku spěchowaše našich chowancow w čitanju a podpěrowaše wuknjacych z čitansko-prawopisnej stabosću. Nimo toho planowaše a organizowaše





njeličomne wopyty dźiwadłowych předstajenjow a hladaše serbske narodne drasty šule. W swojich rěčnych předmjetach wuwabi kreatiwne talenty při zhotowjenju njeličomnych kalendrow abo čitanskich dźenikow, při tym tón jedyn abo druhi konfekt wudźeli.

W mjenje wučerkow a wučerjow našeje wyšeje šule dźakuju so knjeni Bětnarjowej za rjane, spušćomne a dowěrliwe zhromadne dźěto.

Symješka wědy, kotrež je wona wjele lět jako wučerka našeje šule syła, rostu w šulerkach a šulerjach čas žiwjenja. Přejemy jej do přichoda Bože žohnowanje, strowotu a wjeselimy so na zasowidženje!

M. Koberowa



Bosy-šćežka

W poslednim šulskim tydźenju mějachu šulerki a šulerjo 5. do 7. lětnika wotměnjawy program. Tak zapožichu na přikład w ramiku UNESCO-projekta tak mjenowanu bosy-šćežku. Swěrne pomocnicy dźěłachu zaměrnje a z tójšto znajomosćemi na wosebitym twarskim projekće. Wosebje pozitiwnje bě, zo su so šulerki a šulerjo dobri při skupinskim dźěle a při rozdźělenju dźěłow wopokazali. Wuslědkaj tutoho dnja stej nimale hotowa bosy-šćežka a wurjedženy šulski dwór.

- tekst a wobrazaj: Franciska Wróblowa -



INFORMACIJE - TERMINY - WŠELČIZNY

05. do 09. požnjenca

rjadowniska jězba
10. lětnika

12. požnjenca

započatk cyłodnjowskich poskitkow

28. požnjenca

sportowe wubědžowanje w Slepom

Přejemy
wšitkim
dobry start
do noweho
šulskeho lěta!